



REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE
KËSHILLI DREJTUES

Nr. _____ prot.,

Tiranë më 19.03.2025

V E N D I M

Nr.2, datë 19.03.2025

Për

“MIRATIMIN PËR KËSHILLIM PUBLIK TË DOKUMENTIT “MBI CAKTIMIN E DISA TARIFAVE/PAGESAVE ADMINISTRATIVE PER SHËRBIMET QË KRYHEN NGA AUTORITETI I KOMUNIKIMEVE ELEKTRONIKE DHE POSTARE”

Këshilli Drejtues (KD) i Autoritetit të Komunikimeve Elektronike dhe Postare (AKEP), me pjesëmarrjen e:

Z.	Gentian Sala	Kryetar
Znj.	Edlira Dvorani	Anëtar
Z.	Lorenc Bako	Anëtar
Z.	Bleron Dokle	Anëtar
Z.	Armer Juka	Anëtar

dhe sekretare Znj. Xhilda Hoxha në mbledhjen e datës 19.03.2025, sipas procedurës së përcaktuar në Ligjin nr. 54/2024 “Për komunikimet elektronike në Republikën e Shqipërisë”, dhe Rregullores së Brendshme për “Funksionimin e Këshillit Drejtues të Autoritetit të Komunikimeve Elektronike dhe Postare” miratuar me Vendimin Nr.7, datë 16.02.2017 të Këshillit Drejtues të AKEP, të ndryshuar, shqyrtoi çështjen me objekt:

“Miratimin për këshillim publik të dokumentit “Mbi caktimin e disa tarifave/pagesave administrative për shërbimet që kryhen nga Autoriteti i Komunikimeve Elektronike dhe Postare”

BAZA LIGJORE:

1. Pika 1, neni 17, pika 1/b neni 18, neni 27 dhe neni 33 të ligjit nr. 54/2024 “Për komunikimet elektronike në Republikën e Shqipërisë” (ligji nr. 54/2024)
2. Rregullore “Për procedurat e njoftimit dhe këshillimit publik”, miratuar me Vendim të Këshillit Drejtues të AKEP me nr. 21, datë 7.12.2021.

K Ë SHILLI DREJTUES:

Nga shqyrtimi i materialit shkresor të përbërë si më poshtë:

1. Dokumenti i përgatitur nga Drejtoria e Buxhetit dhe Menaxhimit Financiar për këshillim publik: *Dokument për këshillim publik “Mbi caktimin e disa tarifave/pagesave administrative për shërbimet që kryhen nga Autoriteti i Komunikimeve Elektronike dhe Postare”*;
2. Projektvendimi i formatuar dhe arsyetuar;
3. Relacioni shoqërues i Projektvendimit;

V Ë R E N:

1. Ligji nr. 54/2024 “Për komunikimet elektronike në Republikën e Shqipërisë” ka hyrë në fuqi më datë 20.12.2024, duke shfuqizuar ligjin nr. 9918/2008. Ligji i ri nr. 54/2024 ka përafuar pjesërisht në legjislacion kombëtar Direktivën (EU) 2018/1972 të parlamentit Evropian dhe të Këshillit “Për krijimin e Kodit Evropian të Komunikimeve Elektronike” (në vijim EECC).
2. Ligji nr. 54/2024 përmban dhe një sërë përcaktimesh të reja në lidhje me buxhetin dhe financimin e AKEP si dhe parime për pagesat administrative/tarifat që paguajnë sipërmarrësit për të mbuluar kostot administrative të AKEP për të kryer funksionet e tij rregullatore mbikëqyrëse etj., si dhe punën rregullatore për përgatitjen dhe zbatimin e akteve nënligjore në zbatim të këtij ligji.
3. Pika 1, neni 17 i ligjit nr. 54/2024, parashikon se *“Burimet e financimit të AKEP-it janë pagesat që bëhen nga sipërmarrësit e rrjeteve dhe shërbimeve të komunikimeve elektronike, sipas përcaktimeve të këtij ligji dhe akteve të tjera ligjore në fuqi. AKEP-i financohet edhe nga burime të tjera të ligjshme.”*
4. Gërma b, pika 1, neni 18 i ligjit nr. 54/2024, Parimet për pagesat administrative, *“Çdo pagesë administrative e bazuar në këtë ligj, e vendosur ndaj sipërmarrësve që ofrojnë rrjete apo shërbime të komunikimeve elektronike, sipas autorizimit të përgjithshëm ose që u është dhënë e drejta e përdorimit: b) imponohet ndaj sipërmarrjeve individuale në mënyrë objektive, transparente dhe proporcionale, për të minimizuar kostot administrative shtesë ose tarifat shoqëruese në lidhje me qëllimin e synuar të tyre, duke marrë parasysh objektivat e përgjithshëm të këtij ligji.*
5. Sipas pikave 5 dhe 8 të nenit 27:
 - *AKEP-i regjistron operatorët ose ofruesit e shërbimeve në bazën e të dhënave elektronike brenda 7 ditëve nga marrja e njoftimit dhe njofton regjistrimin e tyre me shkrim.*
 - *AKEP-i miraton me rregullore formën dhe përmbajtjen e njoftimit, dokumentacionin mbështetës dhe konfirmimin e regjistrimit, duke marrë në konsideratë udhëzimet përkatëse të BEREC-ut.*

6. Neni 33 i ligjit nr. 54/2024 parashikon se: *“Me kërkesë të një sipërmarrësi, AKEP-i, brenda 7 ditëve kalendarike nga marrja e kërkesës, sipas rastit, lëshon një deklaratë të standardizuar, që konfirmon që sipërmarrësi ka paraqitur një njoftim, sipas pikës 3 të nenit 26 të këtij ligji. Certifikata e konfirmimit detajon rrethanat në të cilat çdo sipërmarrës që ofron rrjete ose shërbime të komunikimeve elektronike, sipas autorizimit të përgjithshëm ka të drejtë të instalojë facilitetet, të negociojë për interkoneksion ose të marrë akses e interkoneksion, me qëllim lehtësimin e ushtrimit të këtyre të drejtave gjatë aplikimit pranë niveleve të tjera të qeverisjes ose te sipërmarrësit e tjerë”*.
7. Drejtoria e Buxhetit dhe Menaxhimit Financiar ka përgatitur dokumentin për këshillim publik *“Mbi caktimin e disa tarifave/pagesave administrative për shërbimet që kryhen nga Autoriteti i Komunikimeve Elektronike dhe Postare”*, sipas përcaktimeve të nenit 18 të ligjit. Dokumenti i përgatitur për këshillim publik me palët e interesuara përmban propozimin për vendosjen e disa tarifave/pagesave administrative që sipërmarrësit e komunikimeve elektronike duhet të paguajnë për shërbimet që do kryhen nga AKEP në kuadër të implementimit të regjimit të AP sipas ligjit nr. 54/2024.
8. Dokumenti për këshillim publik *“Mbi caktimin e disa tarifave/pagesave administrative për shërbimet që kryhen nga Autoriteti i Komunikimeve Elektronike dhe Postare”*:
 - është një dokument rregullator i përgatitur në kuadër të hartimit nga AKEP të akteve nënligjore përkatëse të nevojshme për zbatimin e ligjit nr. 54/2024;
 - përmban propozimin e AKEP në lidhje me përcaktimin e disa pagesave administrative;
 - ka marrë parasysh pagesat administrative të aplikuara për sistemin e autorizimit të përgjithshëm për komunikimet elektronike në vende të BE-së;
 - nga pikëpamja e ligjshmërisë është konform me përcaktimet ligjore të neneve 17, 18, 27 dhe 33 të ligjit nr. 54/2024;

Bazuar në nenet 44 dhe 45 të ligjit nr. 54/2024, dhe Rregullores “Për procedurat e njoftimit dhe këshillimit publik”, miratuar me Vendim të Këshillit Drejtues të AKEP me nr.21, datë 7.12.2021, dokumenti i miratuar nëpërmjet këtij vendimi do të nxirret për këshillim publik, me qëllim marrjen e mendimit të palëve të interesuara.

P Ë R K Ë T O A R S Y E:

Duke marrë në konsideratë rëndësinë e miratimit të dokumentit të cituar më lart, bazuar në pikën 1 të nenit 14, dhe pikën 1 të nenit 15 të ligjit nr. 54/2024, Këshilli Drejtues i AKEP,

V E N D O S I:

1. Të miratojë nxjerrjen për këshillim publik të dokumentit “*Mbi caktimin e disa tarifave/pagesave administrative për shërbimet që kryhen nga Autoriteti i Komunikimeve Elektronike dhe Postare*”, sipas dokumentit bashkëlidhur;
2. Procedura e këshillimit publik të kryhet për një periudhë 30 ditore nga data e publikimit të dokumentit sipas pikës 3 më poshtë.
3. Ky Vendim dhe Dokumenti për këshillim publik “*Mbi caktimin e disa tarifave/pagesave administrative për shërbimet që kryhen nga Autoriteti i Komunikimeve Elektronike dhe Postare*”, të publikohen në faqen e internetit www.akep.al.
4. Ngarkohet Drejtoria e Buxhetit dhe Menaxhimit Financiar për ndjekjen dhe zbatimin e këtij vendimi.

Ky vendim hyn në fuqi menjëherë.

Kryetar	Anëtar	Anëtar	Anëtar	Anëtar
Gentian Sala	Edlira Dvorani	Bleron Dokle	Lorenc Bako	Armer Juka